





第一一八六冊

四庫全書

●上海古籍出版社

本冊目次

柳塘外集	嘉禾百咏	雲泉詩	蘭阜集	葦航漫遊稿	附東桂堂賦	須溪四景詩集	須溪集	潛山集	魯齋集
------	------	-----	-----	-------	-------	--------	-----	-----	-----

宋王柏撰……………一	宋韓文珩撰……………二九三	宋劉辰翁撰……………四〇一	宋劉辰翁撰……………六三七	宋胡仲弓撰……………六六三	宋吳錫麟撰……………七一九	宋薛嶠撰……………七三七	宋張堯同撰……………七六五	宋釋道璨撰……………七八三
------------	---------------	---------------	---------------	---------------	---------------	--------------	---------------	---------------

欽定四庫全書

集部
魯齋集卷二

詳校官庶吉士_臣李傳熊

主事_臣呂雲棟覆勘

總校官庶吉士_臣朱 鈐

校對官侍讀_臣王家賓

滕錄監生_臣范 鍾

欽定四庫全書

集部四

魯齋集

別集類三宋

提要

_臣等謹案魯齋集二十卷宋王柏撰柏好妄逞私臆亂古經詩三百篇重為刪定書之周語殷鑒皆昌言排擊無所忌憚殊不可以為訓其詩文雖亦豪邁雄肆然大旨乃一軌于理宋史儒林傳稱其少慕諸葛亮之為人

欽定四庫全書

書志

自號長嘯年踰三十始知家學之原

_{宋柏之祖師愈}

_{受業於楊時其父瀚亦及朱子呂祖謙之門故史文云然與其友汪開之}

著論語通旨至居處恭執事敬惕然嘆曰長

嘯非聖門持敬之道亟更以魯齋蓋其天資

卓犖本一桀驁不馴之才後雖折節學問以

鎔鍊其氣質而好高務異之意仍時時不能

自遏故當其挺而橫決至於敢攻孔子手定

之經其詩文雖刻意收斂務使比附於理而

強就繩尺時露有心牽綴之迹終不似濂溪

諸儒深醇和粹自然合道也特其勇於淬礪

檢束客氣使縱橫者一出於正為足取耳集

中第一卷有壽賈秋壑詩極稱其援鄂之功

洵頌備至是亦白璧之瑕然核檢諸書均不

載其有依附權門之事不知何以有此作其

集乃明正統間柏六世孫四川按察司僉事

迪所重編又不知何以載之集中畧無所諱

均不可解疑以傳疑存而不論可矣乾隆四

十五年二月恭校上

欽定四庫全書

書影集

總纂官臣紀昀臣陸錫熊臣孫士毅

總校官臣陸費輝

原序

孔子曰禮云禮云玉帛云乎哉樂云樂云鐘鼓云乎哉

文之為文闕乎道也古之聖賢得時行道若堯舜禹湯

文武之為君卑變稷契伊傅周召之為臣善政嘉謨載

之方冊夫是之謂文或聖賢之徒不見用於時窮極天

人之理攷古帝王經世之道若孔子而下顏曾思孟刪

定著述開示後世夫是之謂文是皆不倚於物而能與

天地日月同悠久者係乎道也下逮戰國能言之士各

以所見立為議論或戾乎聖賢之道者君子有所擇焉

漢唐以下代有作者揆之於道醇乎醇者殆亦鮮矣宋

濂洛關閩諸君子出然後性理之學天開日朗學者有

所依據文章議論一歸於正道之明也辭則存乎人也

金華王文憲公天資高異學力精至以其實見發為文

章足以明道德使其見用足以建事功而卒老於丘園

惜哉若其詩歌又其餘事也六世孫四川按察僉事迪

襲而成帙義烏縣正廬陵劉同丞鄱陽劉傑政有餘力

欽定四庫全書

書影集

用銀諸梓其亦知所用心者哉南郡楊溥序

欽定四庫全書

書目表

二

欽定四庫全書

魯齋集卷一

宋 王柏 撰

賦

宋文書院賦

蔡子明講於鷺湖用文公白鹿洞賦韻示學者以墨本見寄因用韻和之

緊奎籀之珠榮聞文敷於無疆涵累朝之樂育萃慶厯元祐之忠良雖陽九之震蕩復王氣於錢塘鴉有時而

欽定四庫全書

書目表

號畫鳳終翮於桐岡抑理大之矢謀達此道於八荒錫書堂之四號揭儒隱之遺芳因宏規而恢拓立郡縣之膠庠發天地之清淑導濂洛之洋洋自龜山之復南開太宗之世運繹分殊之一語極精析而莫渾彼憑虛而夸毗忌所蔽之難遁盛哉乾淳之大儒四合朋簪而辨問有味性質之異同惡此知行之並進蓋入德之有序孰先傳而後倦此紫陽之學之為無弊所以紹龍門之適孫合萬殊而一統黜百家之異論騰鷺湖之古剎寓

昔日之琴書鎖淒涼之歲久埋切磋之舊模偉膚使之
絕識攬六轡以爰諏新鬢序之壯麗儼衣冠之進趨坐
臯比而振鐸啓襟佩之良圖乞題表於天陞聘師範之
勤渠邀綵衣之歸騎肅奠謁於前除賡先覺之古韻著
後學之貞符羌予隱約於陋巷忽拜駢珠之華集恨車
輪之生角望室堂而莫入粗識為學之為已何敢罷之
而口給幸羣經之粲然盡遺音之細緝願言忠告於我
人請絕時學之陋習惟窮理與居敬要此志之先立咏

欽定四庫全書

卷一百一十五

洞賦之末章矢一心之允執既爾的而爾張亦何勞於
決拾亂曰玉不事彫琢曷成爾璞兮木不就規矩曷正
爾樛兮曰明誠與敬義於以泳游兮志所志學所學亦伊
顏之流兮慨往哲之不作何以解憂兮矧明訓之具在
它又何求兮

寶婺新樓賦

炯乾象之輟輶兮麗元運而不息殷七政之後先兮表
輝曜之清則謂四星十有一度兮獨司女職剪帛裁繪

兮供衮衣之黼黻問機杼之友兮隔河漢以相望御真
氣之皎皎兮籍人間之陰陽卻絳藻而衣青雲兮製白
蜺以為裳珩璜深杳兮德彌彰彰爾國兮湯沐据地勢
之曠遠兮潔神宮之穆穆皇靈靈而來下兮瑤席而瑱
玉絕塵囂兮夜氣肅曠千嶂之相繆兮東南最佳架脩
梁而承宇兮豁往古之壯懷自家兮之著句兮意俗而
辭俳雙溪灝灝兮流恨無涯當其出守兮腰猶未瘦昧
於榮利兮不償厥售夢回細舌兮史有餘臭吁嗟乎亦

欽定四庫全書

卷一百一十五

章兮終莫有紫志兮重瞳驚學兮博通一念差兮百智
窮八詠八詠兮胡為乎樓中士生斯世兮莫先乎器識
富貴不可苟求兮聲名不可以虛得孰有不養而成兮
不耕而穡所以設為庠序兮綏猷而明德大厦渠渠兮
有赫泮宮像闕里之森嚴兮巍巍乎樓之東山川斯拱
兮清淑斯融藹圭璋兮叩叩顯顯時習兮矻矻日邁兮
志奪安得方寸之清明兮人欲絕與君來此兮吟風弄
月亂曰風月常見兮景常新清明光霽兮胡為而異名

存爾天兮不昧湛一氣兮孔神與風月兮無愧斯能評
古今談今

水壺秋月賦

子男列爵兮國有常居襟三洞而帶雙溪兮分女宿之
墟誰作燕坐之室兮有扁水壺相爾室之耽耽兮是敞
是虛主乎中兮志趣萬殊孰有甘心乎冷淡兮詩書之
瀛求名義之凜凜兮斯焉何取或無所為兮又何足以
為觀省之補彼東風之蕩無檢束兮物物是與夏日亦

欽定四庫全書

卷一

長且舒兮有酷斯暑氣象不我侔兮耻焉爾伍水壺水
壺兮一以清有月有月兮秋更明清明相涵兮璀璨光
晶極表裏之透徹兮煥米凝瑩彼君侯之心兮鑑空衡平一寒
自力兮千室自春朱絲鼓兮澹和畫簾垂兮暇整倪焉
撫字之勤兮不計歲月之道繁西風生兮遠林白露斂
兮煩景穀壁有餘量兮猶從容待秋之一稔豈不懷歸
兮去爾民之未忍眇扁舟兮家具表遺愛兮旌旗行行
青雲之步武兮廉德久簡於上知念世道之已熟兮此

為何時聚斂慘於盜賊兮甚東南之瘡痍傾倒瞑眩之
刺兮勿留刀圭既無欲以揜其剛兮仁必有勇飲蘭露
而餐菊英兮宜富貴之能擁惻有隱於民瘼兮不知震
霆之可恐人懷襟度之寬兮我覺丰神之甚偉蓋任重
道遠之士兮聲色澹然而不動我非有風鑑兮察所安
之甚精見公雖疎兮知公獨深畏此簡書兮勢不得而
日親鳶魚同一天兮各適其情人生聚散兮如太空之
浮雲少歌曰今人薄交誼兮古重離別人合有離兮月
圓有缺人別不易見兮南轅北轍彼月之缺兮或團圓
乎林樾安得長官兮甘公如處處水壺兮貯秋月

欽定四庫全書

卷一

喜雨賦

己丑之秋七月將望長嘯與客命駕經從於南山之下
農人告予曰兩月不雨驕陽熾熾傷禾稼之就槁竭陂
塘而莫溉溝澮涸草木病瘁渺一飽之未期斂雙眉
而墮淚長嘯愀然歸而與客曰四海蒼生望霖雨不知
龍向此中蟠此非王金陵之詩乎想新法之紛張瞻青

苗而色沮澤民之事業如是不乎金陵之所謂霖雨猶今
春之淫潦所以基後日之禍也當其太空潑墨雷奔電
掣溪原為一桑麻冒沒菌衣生於用器蛙蚓行乎几席
麥欲秀而泥蟠螫正飢而葉濕墻壁苔穿鶯花狼藉於
是足沈礎潤之氣衣費香篝之烟望元雲之缺鬱慨沈
穡之永歎何斂散之失時素盈虛之大權而乃異二閑
戶阿香熟眠鬼鼓舞於煩世龍深潛於九淵幸玉清之
悔禍遣六丁而下觀翕炎煦畢疏河浚泉祝融斂跡而

欽定四庫全書

卷一百一十五

六

退避屏翳振馭而著鞭長嘯不寐側耳而聽初浙漉而
萃蔡忽砢砢而奔騰如猱風兮入溝壑如怒潮兮來海
門又如百萬慄悍之衆銜枚赴敵而戈甲夜鳴滴馬鬣
於李靖沈牛背於鬱林點滴元溝兮有碎玉韻建瓴屋角兮
有瀑布聲激竹溜之宮微煥花徑之精神自是渴者澤
仆者起枯者沃華者成如沈疴之遽脫如亂邦之中興
又如光弼入子儀之軍一號令而旗幟鮮明化彫瘵而
豐裕消愁歎而歡忻一點一穀如坻如京童子不識秋

事之可慶但喜新得涼於戶庭也長嘯於是誦孟氏勃
興之語賡詩人有年之篇獻於太守太守不有歸乎天
子天子謙謙功不敢專讓於皇天皇天冥冥不得而名
本大德之好生也歟

四言古詩

疇依

元會開物風氣渾庀聿生神聖惟包羲皇始畫八卦人
文炳煌大道之書誰云已亡

欽定四庫全書

卷一百一十五

七

巍乎大哉堯之為君其仁如天其知如神鑿井畊田出
作入息擊壤而歌不知帝力
虞舜側微重華協帝父頑母嚚烝烝以乂天理之極人
倫之至恭已當天雲行雨施
禹乃嗣興載平水土天錫九疇晏倫攸叙克儉克勤不
伐不矜有典有則貽厥子孫
昔在帝堯咨舜一語允執厥中舜亦命禹危微精一義
復兼舉三聖授受獨臧千古

湯聘莘尹五進就桀天命人歸鳴條自葛以義制事以禮制心日新厥德鑑此盤銘

於穆文王順帝之則身蒙大難小心翼翼三分有二以服事殷可謂至德萬邦儀刑

武王達孝善繼善述盟津既誓干戈載戢訪於箕子洪範以陳惟皇建極反覆丁寧

於皇周公勤勞王家赤舄凡凡德音不瑕思兼三王以施四事坐以待旦制作大備

欽定四庫全書

卷一

生民以來未有孔子金聲玉振始終條理五經之道天地同流立此人極萬世東周

賢哉顏子好學獨稱既竭吾才欲罷不能不貳不遷庶乎亞聖一簞一瓢不幸短命

曾子雖魯纖細不遺吾道一貫以魯得之易實得正手足斯啟仁為己任死而後已

至哉子思愛道失傳推本遺訓中庸一編提挈綱維開示蘊奧無聲無臭孰窺其妙

惟孟軻氏雄士絕識伯仲禹功力距楊墨性善養氣前所未聞歷選諸子實醇乎醇

聖道不行自周公歿聖學不傳由孟子卒上無善治下無其儒章句訓詁煨燼之餘

皇宋文明周子天昇不由師傳道體默契達圖屬書以覺後覺上接洙泗下開河洛

歷紀明道祥應兩程吟風弄月有的其承體用一原顯微無間惠我光明如夜復旦

欽定四庫全書

卷一

於時張子崛起關中虎皮端坐多士景從瞻彼洛矣道溥所宗訂頑揭牖表表正蒙

恭惟道統一絕千載何絕之久何續之易師友之盛東洋洋曰尹曰謝曰游曰楊

迪子朱子理一分殊汎掃淫詖煌煌四書有析其精一字萬鈞有會於極萬古作程

流澤未遠口耳復迷纂組斷碑倚託媚時大本斷喪擾擾胡為淵源微矣予將疇依

右二十二章章八句

冽井

冽彼井泉蓮華斯名有美一人於焉載沈夫也不二吳
天曰明父母愛我曷慰我心

冽彼井泉蓮華其號有美一人於焉是蹈琴瑟既合載
言載笑父母不允中心悼悼

有冽彼泉絃歌之東所謂伊人宛在其中我心既得皇
恤我躬匪一死之義之從容

欽定四庫全書

卷一

十

有冽彼泉在絃歌內所謂伊人之死靡悔人孰不死我
無昧昧是心之存炯千萬載

冽井四章章八句金華胡氏女既嫁矣夫不

良父母奪之欲更其偶五年不許白於令尹
進而問焉曰理無二夫令尹義而歸之父母
怒從夫三曰赴井而死國人憫之而作是詩
也

五言古詩

和立齋對菊二歌

秋至百芳歇籬邊佳色團遙思古節士愛此黃華蕃我
生千載下恨不相同看叢叢夜氣厚曉葉千珠薄中表
自芳潤對花發長歎真固非素積動色形豆簞悠然露
真意猶云欲忘言淵明一寸心細嚼供晨餐

之子歌遠遊征車事奔逸歸來東籬下一洗四方形
觀草木蕃若不與人力苟無浸灌功造化庸有忒今年

秋苦旱五穀廢嘉殖梅化竹亦焦枯芝槁蘭茁一朝去

欽定四庫全書

卷一

三

酷吏甘雨解衆惑天人本無間喜氣滿城集奈何倉廩
虛一飽竟難得不如菊花乾醫方騰稱述

和暘谷春郊韻

一春風雨多連日幸開霽清尊酬芳菲嘉約起予意
邁溪南國樂只群英萃徘徊曲逕迂老蹉尚堪企竹修
君子容花向少年媚俯挹百草香尚友萬山翠往事動
深感高譚出中秘莫色排空來一笑散襟袂不有短長
吟寂寞此風致

用玉成韻題秋臺詩卷

杳杳南風琴洋洋大雅音復古心未古難以筆力任秋
臺千古調淵乎樂不淫天然絕瑣飾無非情性吟掩卷
三歎息式如玉與金

夜觀野舟浩歌有感

康衢久寂寞擊壤音微茫南風啟蕭韶拜手瞻明良周
衰二雅廢鳳兮歌楚狂楚狂已再變三閭竟哀傷俯仰
千載後嗟嗟情性荒梁選尚遠思淵明粹而莊開元生

欽定四庫全書

卷一

七

李杜我宋推蘇黃宗派亦淪墜紛紛師晚唐吟骨不溲
古記魄不自強雕鏤心肺苦何曾徵官商濂翁著和滄
感興開紫陽紫陽尚六義六義興已亡鄭衛日盈耳水
炭攪我腸章貢有奇士野舟刊名章古城夜酌句正義
尤洋洋游談到魏蕩百世流遺芳

贈仙山剛公新創香林

佛說菩提泉其性本澄澈人乃無無穢誰能還瑩潔我
觀浸碧泉泓渟貯芳冽恰如老師心風止雲跡滅憶昔

著詩句無乃太疎拙彈指二十年相看頭已雪老師闢
新軒眼方頗虛澈得得穴山竇一脉引幽絕清泚貫花
徑冷暖資泉嘷一動一以靜誰盈復誰竭水性本不殊
地勢差有別即此兩水間盡是廣長舌學子來問話當
以無說說但見香林香薰蒸千萬葉

宿寶峰呈王澗

默成已仙去北山久寂寞豈無愛山人時時訪林薄心
境不相當丘壑自丘壑誰知百年後秀氣終有託的的

欽定四庫全書

卷一

七

盤溪猿精光發河洛神龍躍天津鞭霆駕飛電相逢玉
澗翁筆底銀潢落江湖四十年萬象恣搜摸從游八九
子天才皆卓犖漲起十八灘曹溪原一勺愧我局陋巷
瓢簞粗知樂遙望詩壇高勢興芙蓉角掩旗仆金鼓不
敢事攻畧弔古得名勝盟府定虛爵派長竟先歸白雲
冒南岳

牧歌寄謙牧翁

山前牧羊免群羊化為石山後謙牧翁雙牛挂虛壁仙

佛道不同妙處各自得我來牧坡上牧翁已放出風行
麥浪高日暖柳陰直沙平草正軟隔林數聲笛試問翁
牧意著鞭還用力牽起鼻撩天蹋地四蹄實渴飲菩提
泉飢來噉芻必步行顛倒騎神光背上射因悟角前後
通身白的蝶勿使蹊人田母乃失其職舍策脫蓑歸人
牛兩無跡

天基節雨有感

歲歲天基節晴和萬國歡今年侯國宴疎雨忽潛潛允

欽定四庫全書

卷一

五

矣天人際機緘妙已宣聖心方感慕雲意慘天顏誰識
天倫重端為萬化原一時名未正事事盡拘牽父母惟
生繼昭昭大義存節文斯二者此外豈容干在昔權臣
謬區區欲怙恩私心崇義斷強抑所當尊近日劬勞報
猶云厚薄嫌一言誰誤主孝道未純全此事書青史千
年不可刊勿云今既往熟視所難言父母人皆有何稱
考叔賢只將誠意感各盡此心天

壽潘介岩

寶祐重頒歷祥開甲子三一分春色滿喜溢壽厄寬去
歲霑餘慶連宵飯豆還今年東望處紫氣護天關正值
松椿祝難忘契誼覃只將生硬語便作辦香看天不生
賢數人培厚德難幾年涵養力方到介而安出處隨時
義從容最可觀青雲平步進中立了無偏一解星屏綬
扁舟歸故山修門無一字已決此身閒卜築遷新宇除
書動笋班勤渠朱郎講公論藹朝端善類頻回首爭先
僕奏篇忠嘉當有力聖德本天涵

欽定四庫全書

卷一

五

和立齋書懷二首

病暑已成痼塵埃凝簡竹蕭蕭北窓下閉門哀莞獨曜
靈欲西邁風露浣心目仰觀牛女星相望明河曲誰能
却鳳凰共此驚雞逐美人天一方郵音空往復寥寥明
月懷翳翳談間玉歡喜聞歸期繫彼白駒谷幸自有長
林尚可停鷺鵲
平生景風操慷慨懷賦竹恨無百畝地相與種黃獨只
有滿架書可寄千古目何敢倂規矩周容競追曲彼不

見泰山政以鹿斯逐子酌芝山泉天運兩回復應感鶴
鳴章聊以石攻玉遷喬豈不佳歲寒須入谷天地何方
圓吾將叩歸鵲

小酌敬岩梅下和立齋韻

化工忘慘舒但起姑息念一冬漏陽和未識六花片屈
指不十日冉冉歲華裨我聞敬岩下梅英照清淺尊酒
酌嘉友薄批明月薦披圖論人物行子戲角戰回首九
君詠清賞恨疎遠徒今在新盟談笑恣雄辨多藉冰雪
章細澡塵埃面歲歲臘殘時檢舉舊公案

又

平生手種梅不作和羹念其所起予者歲寒心一片孤
芳以氣傳萬物自形禪暗香疎影句知心亦已淺雖以
乾蓀餘亦可清廟薦今年花軍蚤思之心膽戰花蚤豈
不佳當開時尚遠陰陽貴順序難與俗人辨我豈事遠
觀急欲識春面此意與誰論珠璣謾堆案

書隱和韻謝再答之

我已百念灰只有敬賢念事之云乎哉散分席半片不
思望鶴隨猶望衣鉢裨舉杯邀杖屨同問春深淺徘徊
梅月下不噴蘋藻薦公詩太過情置我冰而炭年來從
公遊琴瑟幸非遠一謙生萬和一默屈大辨今日知公
心他日識公面朝夕願趨隅指首侍香案

和立齋芙蓉觀三十韻

我觀神仙傳說幻何紛紛或生歆慕意方士爭愚君政
徹既多欲仙材隔幾塵澄神黜麤穢有時繙黃庭年少
不我待日月斯邁征含霞飲沆瀣聊助神氣清何須起
大壑濯駭晞崑崙天道有常運過化續者新長生非受
命莫使邪念興澹然養至德自可康顏齡古今共一理
萬法同一心世事互起滅反覆如荖枰赤松事黃帝至
今何不泯安期干楚羽對奕非邪邪真徐公何為者得得
捫蘿尋惝恍紀一夢浩不知涯津馳神上無極竭思下
無垠長吟追去古抗論貽來今於我政無益默計空辛
勤不如素心友相與尊舊聞聖道無隱顯人心有晦明

正論歎剝蝕危如線一綸舉世闕月窟何人開天根浮
華正陂陂元氣方堙淪母起遠游念而起凡子評為學
有精要莫作隔壁聽淵源祛滯吝德義開胸襟毀譽何
足問死生何足論飢食渴而飲願為堯舜民

和伯兄新竹韻

叢竹太踈踈一鞭忽伸脚穿石作斜勢朝宗意穆若片
綠吐新梢員粉露殘籜今年造化深稚子六七作群居
不嫌密獨步宣疎畧是為石笋瑞不負歲寒約清標凜

欽定四庫全書

卷一

六

三友有侶不予酢誰與共栽培莫至風聲落懷古不成
寐傷今政作惡縱有題詩人人面定非昨

和立齋荔子樓韻

我久挹離索加之憂患薰血氣日以耗話別難為情之
子行邁邁征車徙仁兄閨嶺在何處目斷遮行雲素

闕

播芬郁丹荔嘗鮮新重樓一以眺千古垂將心海風駕
空來徘徊振書襟遙知意軒豁塵袂何由親惟有清夜
夢栩栩踰南峯曜靈條西邁剝啄來嘉音見書如見面

現詞觀魚鱗朋友正歡慰喜氣騰家林呼童烹露芽鱗
眼時一斟是中有雋永透入肝腸深

和敬岩韻迓其歸

生涯魚上竿世事鼠入角民膏既煎熬民髓復椎剝上
下急交征絕口政與學孔明痛桓靈厭德修罔覺自古
辱與疎其機在一數歸來有嘉士尚可理商榷駕言一
寸膠救彼千丈濁精意自入神端可異端斷趙孟自貴
賤玉女皆天渥如彼角斯磋如彼玉斯琢不患工不浚

欽定四庫全書

卷一

九

所患志不恪秋陽日以暴江漢日以濯真積而力久自
見所立卓庭前梅繁榮梅下石確確雲飛川泳間俯仰
自不惡獨立萬物表誰能伍齟齬雨露悲蕭艾霜風妬
荃葍天意孰云遠鑑此歸意確寄言順應人大公一以
廊

效希夷和陳北溪韻

北溪真有道出語涵芳鮮覺彼群迷句真與梅爭妍一
花一太極獨立形氣先通仙名浪得未必知其然

甚矣天地閒獨有一花鮮未論色之潔未論香之妍只
於冰雪中誰占生意先萬物心自服敢問何能然

和立齋宿友韻

吾儕有何樂同志味自長天高興地下參我人中央痛
掃物欲蔽放出元明光力學日不足游宦那可長山人
睽間久歲晚歸南荒會友魚貫臥展轉幾異床老我失
此快獨卧風雨牕回思少壯時此味曾親嘗白髮真可
愧觸事方面牆喚醒舊時夢吐哺歌新章

欽定四庫全書

卷一

高風行懷本齋

人皆喜君出我獨喜君歸君出豈不媿事業生光輝君
歸亦不惡風味高一時人才有消長世運有盛衰公論
不可泯隱顯觀妍媸隱者未必是顯者豈皆非遁世愧
無悶貧賤不可移得時必行志斯世相綱維無悶是在
我行志非可期一處特易易一出真難持利欲改滔天
四海皆瘡痍世俗所榮者君子方鄙之君開青雲步要
津夫何疑手揮體國略口訥阿世詞長揖群玉府拔足

逸閒機黃鶴已高舉舊盤噓醺雖苔雪有清沁一洗京
塵緇故舊述間濶松楸慰時思蘭茁濯庭下菊蕊黃東
籬酒熟蟬螫健橙香鱸膾肥至哉天下樂何須卿相為
解我囊中書極深更研幾聖門八字開廣大涵精微或
參華山席先天探包羲或巾高陽車同載膝上兒苟足
經世具小需時運宜天意欲平治當今非吾誰

和立齋橘花韻

欽定四庫全書

卷一

梅花已仙去草木同猶黃萬物競妖冶二氣勞氤氲南
服有橘隱春風固知聞濃露浥清曉落月籠夜分玉圓
太極判蚌合開天真芬芳滿宇宙那肯媒東君

再和適莊韻

客從東方來喜甚展折齒鼎烹石乳精談笑秋月裏中
有八十翁宴坐維摩椅遁澤瑚璉罷玉璫問壘洗立齋
持脩綆汲汲古井水參也魯依然商聲從曳屣翹首諸
俊遊霹靂燒蛇尾雙鸞輝九苞翩翩奮棲枳桐陽有卧
龍共蹋風雲起翁當沽美酒烹鱸膾錦鯉